

西山先生眞文忠公文集

二

蘇軾詩集
卷之四

PDG

西山先生真文忠公文集卷第二十一

翰林詞草

答詔

賜光祿大夫右丞相兼樞密使無太手
少師史彌遠乞辭政機俾還田里不允
詔

勅具悉朕惟古之大臣有身佩安危而不容以
家國異視者曰世臣曰社稷臣若商之伊陟巫
賢周之呂伋召虎世臣也漢之平勃唐之狄仁
傑社稷臣也有一于斯去就之間俱不可苟而

况兼之者乎卿繼世以秉鈞衡捐身而安宗廟
勲烈茂盛簡于朕心可緣似續之私遽起燕閑
之念惟今百度隳弛賴卿而浸脩四方搶攘賴
卿而略定倘半塗而遂畫俾一簣之終虧既非
朕圖任責成之本心亦豈卿忘家殉國之初志
勉思此義勿復有云所請宜不允

賜光祿大夫右丞相兼樞密使兼太子少
師史彌遠辭免男寃之致仕轉官除職等
指揮不允詔

勅具悉夫元首股肱古人謂之一體戚休所在

上下同之卿既惟吾社稷之憂朕豈忘爾家連
之卹日聞冢嗣遞天天年當食喟然幾失匕箸
念非假哀榮之典不足慰慈愛之心朕秩星郎
進班奎閣寵徒加於身後恩華逮於生前朕猶
慊然卿復奚遜所辭宜不允

賜太中大夫權戶部尚書詳定勅令官沈
作賓乞宮觀不允詔

勅具悉朕聞士君子以適用為材而不以空言
為貴以濟時為急而不以輕去為高如卿實析
守符著循良豈第之績薦司邦計知歛散取予

之權恢牛刀而有餘試蟻封而無窘亦足以觀
適用之材矣文昌八座地望兼崇職在近臣當
思許國顧方厭承明之直羨真館之安是豈急
於濟時之誼辱先正名臣繇賞延而植勳業者
多矣而卿以此自慊非所聞也勉圖而功答我
殊遇所請宜不允

賜光祿大夫右丞相兼樞密使兼太子少
師史彌遠再上奏劄子乞歸田里不允不
得再有陳請詔

勅具悉朕聞公與私不兩立恩與義不並行體

國如家則顧家之念可忘視民如子則愛子之情可奪惟卿大節朕所深知方其力陳杜稷之謀固已盡捐宗族之計豈容今日或異初心况聞幹蠱之有人自可殫誠而共政遽求閒退朕何望焉所請宜不允不得再有陳請

賜顯謨閣直學士通奉大夫提舉隆興府玉隆萬壽宮謝源明乞守本官職致仕不允詔

勅具悉朕惟國家眷獎舊臣有年至而不得謝者豈獨以爵齒為可貴哉盖其周旋當世之故

練習朝廷之儀一旦欲有問焉則安車束帛猶足以徠之此朕於近臣之告老未嘗輒可其奏者蓋以是也卿膺敏之才通明之畧出藩入從爵有壯猶年齡雖高精力尚富雍容祠館足以自娛豈必挂冠然後為樂勉承眷倚毋重有言所請宜不允

賜太中大夫顯謨閣待制新知泉州陳峴辭免除兵部侍郎兼直學士院恩命不允

詔

勅具悉朕登進老成以重朝廷之體尊獎廉靖

以厚薦紳之風卿彊識博聞淹貫千載英詞麗藻焜耀一時退然靡銜於智能卓爾獨安於義命當權門之翕赫甘文館之委蛇衆翼怒飛儀鳳之翔何遠萬流奔注砥柱之立不移雖暫陪獻納之班旋復困排根而去粵余更化命爾駸藩遏寇廬於江湖之衝罔仁聲於嶺嶠之表厥有嘉績簡于朕知與其荐佩虎符以責拊摩之效孰若延登鰲禁以究潤色之長擢貳五兵加榮二命庶日賴謀猷之助且漸還典誥之隆亟其來思副此虛佇所辭宜不允

賜正奉大夫黃由辭免除寶謨閣學士提
舉隆興府玉隆萬壽宮恩命不允詔

勅具悉朕篤舊以恩每務存伐木之義退人以
禮不忍蹈隆淵之譏庶全忠厚之風益廣和平
之福卿蚤緣迪簡服在禁嚴資善從游嘗與橫
經之列甘泉入侍婁躋聽履之班屬此退休可
無優數畀真祠於南浦還遽職於西清朕於待
秦府之僚歟維加厚卿其存魏闕之念毋替效
忠往體至懷亟抵茂渥所辭宜不允

賜寶謨閣直學士朝議大夫知建康府兼

江淮制置使黃度乞檢會前奏許令致仕
不允詔

勅具悉朕觀宣王之雅曰鴻鴈于飛肅乂其羽
當時之民流散失職若是其甚也又曰之子于
征劬勞于野當時之侯伯卿士勤求民隱若是
其至也用能使百堵作而民安宅焉其功豈一
日之積哉間者邊事驟興江淮之間繹騷者數
載殆亡異鴻鴈之詩也而卿以儒學之宗任師
帥之責推劬勞之心以行安輯之政我民告饑
卿實哺之我民告病卿實蘇之嚴追胥之令而

盜賊銷汰冗食之兵而財用足元元用安舊觀
寔復卿之力也民之說卿蓋若鄭人之歌子產
而朕輕聽其去可辱矧聞致事之間不廢講論
之樂從容以治足以自安何必退休以孤衆望
所請宜不允

賜端明殿學士通奉大夫簽書樞密院事
兼太子賓客宇文紹節乞退休不允詔
勅具悉朕聞有國之執蓋以得人為疆卻夾谷
之倖則裔夷不敢謀夏抗澠池之辨則疆秦亡
復加兵况朝廷輔弼之崇實中外觀瞻所繫非

平時素有折衝之畧則臨事寧無失匕之驚卿
學問高明智謀閑達許以儒者兼備武文之材
自為從臣已稱將相之器延登三祀勵翼一心
烽沈疆場之間侵卷江湖之上政須碩望以重
籌帷庶幾銷事變於未形抑亦顯世臣之有後
遽茲求退匪朕欲聞所請宜不允

賜煥章閣直學士朝散郎知平江府趙希
懌辭免除顯謨閣直學士差知太平州恩
命不允詔

勅具悉日者聽朝于垂拱二三大臣以姑孰缺

守聞朕睠焉西顧曰此東晉以來名鎮也俗淳
事簡有承平之遺風焉非平易近民如魯伯禽
清靜不擾如齊相國莫宜居之惟卿持身之德
簡而廉愛人之心惠而篤遴柬良牧孰如卿宜
此丙寅之詔所以有易地進律之寵也况卿前
在鍾陵當警備之日比守吳門適旱勞之餘勞
來撫摩功績懋矣閔勞而處以佚非朕待遇近
臣之至意乎式遄其驅慰彼黎庶所辭宜不允
賜端明殿學士通奉大夫簽書樞密院事
兼太子賓客宇文紹節再乞祿之閑散示

以保全不允不得再有陳請詔

勅具悉朕緬懷先正嘗位機連當王室多艱之
時為人臣徇義之倡鬻旃海上莫回蘇武之心
掘坎連中卒奮真卿之節至今烈士猶仰英風
蓋將為萬世立臣子之防夫豈計一門享忠誼
之報卿家傳正學躬負偉材護戎昭則底綏靖
之勲踐政涂則多弼亮之益克有令聞肖于前
人所當體予眷倚之誠懋乃經綸之業使中外
寧壹民俗阜康豈惟朕心有望於卿抑亦爾祖
所期於後苦乃道方行而遽畫功未竟而言歸

俾予獲棄賢之謫而卿亦負克家之責於義兩
失將奚取焉勉聽朕言往究爾韞所請宜不允
不得再有陳請

賜端明殿學士太中大夫衛涇再辭免除
資政殿學士知潭州恩命不允詔

勅具悉朕以孟春元日御紫宸朝三事大夫濟
濟在列緬惟更化之日歟有輔政之臣勤勞百
為功績用懋久安閒館未愜予心是用加祕殿
隆名俾填方岳夫當三陽彙進之初而褒德錄
賢以順天今古之道也卿當深體此意式述其

驅布宣詔條推廣德澤惠綏田里勸課農桑使
湖湘一道熙然於春風和氣中此朕所圖於舊
弱者再命而儻非所欲聞所辭宜不允

賜朝議大夫權工部尚書兼修國史兼實
錄院同修撰兼太子詹事戴溪乞許納祿
或畀祠祿不允詔

勅具悉昔唐白居易以直道不容于時故年甫
六十九辭官傳之秩而歸休焉清名高行後世
所慕望而不可及也雖然居易則誠賢矣苟時
君能挽而留之用其言以顯其身使居易無勇

退之名而唐室獲任賢之福豈不尤可尚邪今卿以白傳之年而數上澗槃之請豈非聞其風而興起者乎夫年未至而告歸在卿固為高致知賢而不盡用天下其謂朕何勉從吾游毋使識者窺朝廷也所請宜不允

賜朝議大夫試尚書吏部侍郎兼中書舍人兼太子右庶子兼同修國史實錄院同修撰曾從龍辭免兼給事中兼直學士院日下供職恩命不允詔

勅具悉東西分臺均於裨國論內外有制皆以